


五

十人法

土岐文庫
文庫17
W68
5



10

15

20

文庫 17  
W68  
5

010185194030

昭和六十年二月二日  
寄贈  
氏

欽定國朝詩別裁集卷九

禮部尚書臣沈德潛纂評

方殿元


字崇章廣東番禺人康熙甲辰進士官知縣城江寧縣著有九

石集一卷九谷著環書自成一手鈔究其人褒與餘事乃作詩人也然高華此爽依傍一空品下在嶺南三家下

廬山玉淵

高峰青冥中斷忽雲樹屏風九疊間飛

泉半空注奔騰過萬山至此陡欲住憚赫



倅雷霆一旦失憑怒有似千古憤接入靜

者慮兩岸青翠映空色交相寓淡淡與天

空冥冥寫秋素窈窕散餘波疑作江漢雨

幽光留人心不覺白日暮皎月上澄潭此

身在何處極形奔泉陟住比之填胸憤忽

此

褒斜道

褒斜道三載烽煙令人老嗟峨雲棧四百

里其下黑龍江中水北走三秦南走蜀長

蛇猛虎盤深谷張良一燒不可測顧盼從

容得秦鹿諸葛艱難數出師大星夜落三

軍哭英雄成敗且有數况乃區區一狐兔

黃塵瀕洞入秦川風雪關山遠勞戍鐵馬

回頭望壘山斷腸家過秦川路更有子午

與黃金十里百折傷人心懸崖峭壁日月

黑使爾戰魂招不得此為竊據者言見英

雄倚難成功况孤嵐輩

即警誠亂臣可  
補劍閣銘之缺

### 秋夜長

淒淒者風胡不自東不自南不自北吹我  
井上雙梧桐梧桐昨夜飄孤葉大婚從軍  
入窮髮兩地相思不相見愁雲并掩關山  
月飛鴻不我顧海燕辭巢去空房蟋蟀鳴  
長夜漫漫誰與語絳情含淚向天語蒼蒼  
無雲復無雨西有牽牛東織女。

### 愛妾換馬

噴日嘶風紅叱撥目似火齊汗似血屈膝  
金屏出美人邯鄲下蔡皆稱絕英雄有事  
在烽烟紅粉生離未足憐願將妾織鴛鴦  
錦裁作銀鞍滿月鞵。

### 征怨

怯把金錢卜春殘不道歸昨宵看月暈  
觸幾重圍古意  
右音

吳元龍

字長人江南華亭人康熙甲辰進士官翰林改工部郎中己未

名試博學鴻詞擢翰林院侍講著有問月堂詩鈔

賜緞絹恭紀

為郎冰署客亦得荷恩私恐負緇衣好慙

無黃絹詞稱身安且吉出笥卷還披機杼

需民力艱難二月絲

士六語穩頓寫題一結乃見作手

九日偕貴鳴諸使君東山登高得初

字

萬里登高日千峰縱目初天長迷近遠雲

合失崎嶇邊微蠻歌起荒城落木疎鄉心

付征雁可許達音書

起步似出唐人手

繆

彤字歌起江南長洲人康熙丁卯禾賜進士第一人官侍講

送醫士方際泰歸茅山

膏藥長安市超然寄一身招驢偏識路破

鞵不生塵入世性情古還鄉面目真自慙

留帶客對爾歎勞薪

假歸南下欲遊五臺山

排空歷歷五高臺想像先教眼界開  
客路風光隨馬去家鄉樹色渡江來  
探奇亦自安禪味濟勝須誰作賦才  
莫道上方鐘磬杳此身今已出塵埃

渡江

京月漾中流金山隱隱浮尚餘殘醪在  
積

夢到揚州只清曉渡二耳馬得渾然無  
跡未五字何故唐人破口

東臺望海峰

層層峭石擁高臺就裏藤蘿百道開  
身在雲中天水合更於何處見蓬萊

張

英字敦復江南桐城人康熙丁未  
進士官至大學士謚文端著有

存誠堂詩集○本朝應制詩共推文  
端入詞館者奉為枕中秘而風格性  
靈不係此也特取高曠  
數篇以著公之風概

擬古田家詩

柴門擁溪水溪響無朝昏  
農夫荷鋤倦獨

倚秋樹根。顧我田疇好。念我桑麻繁。脉脈不能語。感茲風雨恩。風雨歲時熟。古俗今猶存。遙指烟生處。親戚滿前村。稚子驅鷄犬。夜來忘閉門。何以躋清時。努力從田園。昔愛誦幽風。亦嘗歌小雅。桑柘棲鷄豚。結廬在中壑。春菑方扶犁。秋禾條盈把。野老樂時和。高枕瓜棚下。田家老瓦盆。月夜中瀉壺。擊鼓賽先農。調瑟娛方社。何必桃花源。

源此境足瀟灑。風塵久誤人。我豈悠悠者。新晴土膏動。原上春草生。陂塘引礪。壑活活春水鳴。桑陰悅好鳥。布穀時一聲。夜來飽飯牛。朝來從耦耕。耦耕一畦畢。澹泊心無營。偶然召鄰叟。索取壺觴傾。高談視天壤。把酒歡平生。面無憂喜色。胸無寵辱情。始知於陵子。灌園逃公卿。

讀漢書

壯哉霍子孟易置多英風離席按劍時發  
議驚群公走馬杜鄴間曾孫方困窮手挈  
天子璽授之咸陽宮海枯石可爛孰能訾  
其功珠襦黃金匣南葬茂陵東狐鳴尚冠  
里妻子烟塵空袍侯殺弄兒累世亢其宗  
子孟庇阿顯九族罹憫凶割愛與殉私延  
促霄壤同臣術惟敬慎庶幾保厥終博陸  
程侯  
功業懸殊而一則身後族誅一則賞延  
于世由殉私與割愛異也指出敬慎以

昭臣道事君者  
其知所法誠焉

讀元道州賦退示官吏詩慨然有作  
我愛元次山詩篇獨簡質短章如長謠仁  
心自洋溢至欲委符節甘心就魚麥昔人  
志康濟豈云耽暇遊置身君民間無能澹  
憂恤汗顏拖長紳不如腰帶銜賢哲恥曠  
官斯義久蕭瑟誰無湖畔山浩歌撫遺帙

嚴陵江



千嶂桐廬道清風幾湖洄不知天子貴猶

是故人來垂釣本無意披裘亦浪猜翻嫌

人好事高築于陵臺王貞白詩後賦嚴陵者俱落坑塹此篇不

着議論籠罩一切可以追躡古人

張玉栽字禮存江南丹徒人康熙丁未賜進士第二人官翰林編修

七夕立秋

旅榻當筵卧西風拂小欄秋從今夕到月

向異鄉看有巧輸人乞因貧得夢安曝衣

問童僕預戒早霜寒結意七夕立秋雙到

憶福

朱實垂垂葉尚青故山千樹未凋零相思

不隔長淮水一夜鄉心落洞庭

魏慶徵字蒼石江南溧陽人康熙丁未進士官翰林出為邵武太守註

石屋詩鈔

送兒彪之沅江

我已無親侍兒行又遠親蕭疎千里外去

住一家貧水濶風颿健霜高候雁新沅蘭  
芳可佩極目楚江濱少陵令節成我老他時見汝心起十字同

此筆

于忠肅祠

當年天子已蒙塵中外安危寄此身首建  
一言存社稷獨鳴孤掌定君臣丹心縱死  
還如鐵碧血長埋未化燐千載湖山留正  
氣不須涕淚洒松筠不填故實不著沒語是作家手段

汪懋麟

字季月江南江都人康熙丁夫進士官刑部主事著有百尺樓

桐閣集

題顧符真畫

昭陽顧生畫樓觀絳闕瑤房生白雲如蠟  
宮人三百六丰神都似李將軍此詩漁洋詩話中賞之

顏興敏

字脩采山東曲阜人康熙丁未進士官吏部考功郎中著有樂圃集○時輩下稱詩有十子之目田公綸霞宋公牧仲曹公頌嘉汪公季

舟王公幼華謝公千仞曹公升六丁  
公澹汝葉公井叔考功其一也詩品  
端厚正大不輕佻不板  
滯於十字中為雅音

白雲峰

三峰信靈造魏魏司寇冠石柯不盡洩幼  
繆復比盤結空出瑤几前對香鑪寒大道  
望如髮豁然見長安我行採山蓀齒留清液  
聞巒秋色何時來萬里霜林丹三川富陳  
蹟八水無停瀾玉女帳不顧目新雙青鸞

石柯十字馬畫造化之奇  
老杜入蜀詩中每每有此

青柯坪

我從華陰來秋懷苦悽愴一登十八盤  
嗒焉如盡喪手拂岫幌開雲關峰巒變滅無  
停狀狸狽嘯而猿晝啼咫尺但愁失歸向  
蒼藤羃歷穿危棧高下冥迷那得辨石稜  
淵道僅數尋渭水秦山幾迴轉舉頭忽訝  
青天開垣屋鱗鱗綴晴巘長松挂壁森逢

薜蘿細霧縹扉晨烟篆吁嗟青柯塚壯觀真  
崔嵬三峰高造天於我何有哉安得巨靈  
咆哮重劈裂二十八潭傾帝基手挽鐵船  
入天漢仰攀十丈蓮花開迴頭卻笑羨門  
子坐看東海生黃埃後半放筆為之蒼鬱雄快遂成偉觀

鬪鶉行

高堂邃宇人罕過錦囊高挂珊瑚柯爾聞  
人響軒勇氣空中跳躑常傴僂何來賓後

皆充袖入門豪氣聲誰呵服膺拳拳疑印  
綬朝餐廢箸猶摩挲三尺寶牀正中設鄭  
錦齊縷金盤配兩鶉出囊已脫手盛怒似  
欲尋干戈朱日紺趾豈得辨疾如激水旋  
雙渦注目良久三歎息為官為私理則那  
戕伐固皆爾倚賴崇朝百勝何足多襟毛  
啄血供一笑誰當與爾同瘡痍瞥然一敗  
竟茹醢爭如朱鷺博錢歌田中偃鼠飲草

實自注月令田鼠化爲鴽即鴽也徐行不避虞人羅乃知

羽翼反爲累嗚呼奈此微生何爲司類廣

言由鼠無用虞人置之見變化之轉足累身也用意微矣

望華山

潼關西上見嵯峨路入雲臺佳氣多萬壑  
深松寒白日三峰積雪照黃河天鷄曉徹  
扶桑湧石馬宵鳴翠輦過擬向青冥銷永  
夏蓮花玉井竟如何七言近體俱在此地信陽之間

昭君曲

一辭宮闕出秦關長得丹青識舊顏爲報  
君王休愛惜漢家征戍幾人還悲憫征人用意忠厚

喬萊字石林江南寶應人康熙丁未進士已未召試博學鴻詞官翰林院侍讀

聞先生詩稿極富曾與賦草並行茲獨得其使粵一集故所收從畧

過應山縣弔楊忠烈公

嗚呼有明神宗之季國旄艱光宗繼之更

短折維時先生官給事顧命乃與大臣列  
防微肩鉅定大計選侍移宮一朝決再起  
中丞赴雙闕大柄已被闖人竊乾兒義孫  
滿廟廊二十四罪憤所切赤縣爭高宦者  
祠彤庭徧染中丞血詎有婪賊楊大洪舍  
人寧死心如鐵或言漢之厨顧潔其名唐  
之牛李營其穴宋之洛蜀明東林黨禍紛  
紛蹈覆轍對疆已被門戶誤遂譏先生太

激烈我謂此言殊不然藉口保身附明哲  
假使當年稍媿如張禹孔光更何別君子  
豈能誤國家目為黨人正氣絕嗚呼正氣  
絕國乃滅辨要之徒每持明折保身之說  
以備責直臣正氣所以喪也此  
等詩關係名節不小○于過忠烈公祠  
作詩用之中云人之二亡和國瘁明社  
沉論等完戲只有孤臣一片心地下  
可訴高皇帝讀喬公詩偶然節錄  
下灘

湘南三月湘水生馳波跳沫空江鳴砧砑

亂石亘江面。險如瞿塘灘。誰能搜我聞。  
就下水之性。豈樂與石相排爭。清流何爲  
輒暴怒。鼎沸勢欲蒼崖傾。其如灘石太嶮  
巖。橫排曲扼直。真難平。篙竿之船薄如紙。左  
旋右折。中流行。柁師自許。識趨避。到此亦  
覺心魂驚。十里五里在。俄頃回頭不見丹  
峰橫。一灘繞過一灘至。到耳總作奔雷聲。  
縱然賦命果窮薄。毋乃太視波瀾輕。

湘口

雁叫猿啼不可聞。寒陵風雨正紛紛。二巖  
明滅瀟湘合。二水滌洄楚粵分。縱目好看  
雲嶽樹。落帆猶帶隱山雲。探幽更向愚  
去。野性偏宜鷗鷺群。

方象瑛

字渭仁。浙江遂安人。康熙丁未進士。己未

名說博學鴻詞官

翰林院之修著  
有健松日詩集

龍洞背

神龍穿石飛洞壑。晝常晦。人乃捷於龍盤。旋出龍背。躡衣入重雲。勢與風雲會。危崖千萬狀。不知始何代。突兀浮圖高。縱橫屏障大。鱗鬚樹千章。泉流吐飛沫。下注不測溪。沉々氣冥昧。倘燃牛渚犀。百靈宛然在。羗山多靈竒。策名此爲最。何必御風行。曠然天地外。

七盤關

鷄頭關前七盤嶺。蚓曲蛇蟠纔見頂。峽中支復度七盤。詰屈紆迴勢相引。層崖邃谷路轉通。拾級忽見雲霞空。卻怪頂觸前人趾。不知舉膝當心胸。寧心息魄詫竒絕。萬里山川風氣別。一關中斷隴蜀分。羌笛渝歌乍相接。遙望川巴萬點明。白雲紫霧還縱橫。鱗鱗彷彿峨眉雪。不知何處錦官城北。望京華南望越。懷人兩地情偏切。今朝



身入大荒西涼風古驛中秋月昔遊平瀆

荆州豫州分界處曾作詩託之篇中一  
關中斷二語服其辭之能達羌笛承靡  
淪歌承蜀尤  
見脉理之細

望雪山自注在咸州距魯城二百餘  
里曉起登樓望之尤峰皆白

未是峩眉境何來入座看巒中晴亦雪微  
外暑偏寒雲散千峰白霜凝萬壑丹鱗  
望不盡指點是松瀟

陳玉基字廣明江右武進人康熙  
丁未進士官中書舍人

聞董文友已在山東

竟作十年別何無一紙書傳聞在東魯  
早  
晚下南徐客久才逾老思深夢轉陳靈光  
遺殿在問爾賦何如眉眼最近而眼不見  
眉即思深夢疎之謂  
同友登京口避風館高閣望江題鋒  
袞袞登樓興披襟坐上頭果知天地大不  
盡古今愁孤塔烟中斷諸峰波面浮憑欄  
一長嘯明月夜橫秋

落葉

木葉驚微脫。相看惜故枝。一秋今古夢。萬樹別離思。入水飄無定。隨風下每遲。始知天地意。描落認無私。離形寫意便覺起。然一結所見尤大。

與濟寄懷家兄其年

同君擊楫大江干。共把離尊未忍乾。一自風濤愁裏聽。真憐兄弟別時難。雲連滄海鴻邊度。月落虛堂馬上看。爾在家鄉定回。

首幾時書札到長安

傅昂霄 字龍翰江南吳縣人康熙己酉舉人。吳中詩人無道及龍論者。然即此三篇非漫漶。唐賢者不能。

飲馬長城窟

君不見長城之北青海邊。平沙直上黃雲天。沙中白骨誰何年。陰山九月風怒號。風吹戍火連雲高。雲中五原軍出幕。左賢右賢心膽落。軍中大將聞姓霍。鼓聲如雷笳。

聲死。冒圍脫走。天驕子。烽烟一掃。萬里秋。  
漢家天子。恩未酬。男兒何用言。封侯太白。  
蝕。月旄頭沒。歸來飲馬。長城窟。

涼州詞

九月霜高塞草腓。征鴻無數向南飛。深閨  
莫道秋砧冷。夜半寒光滿鐵衣。溫柔敦厚  
可與唐賢

絕句  
並讀

江行

白雲明月涼微瀾。空外秋聲落遠灘。燕子  
磯頭中夜起。一天星斗大江寒。

徐乾學 字原一 江南崑山人 康熙庚戌  
賜進士第三人 官至刑部尚

書著有  
滄園集

感遇

汲水辨澗滄。染絲別黑白。古人頌蓋間。流  
品先已擇。寸心苟相投。薄軀非所惜。寶劍  
解贈君。出入耀光澤。分手去路微。萬里無

間隔結交不須多。嗔咎亦何益。寧聞管鮑家。堂有珠履客。

隴山歌送許天玉之官新安

隴山高高隴水流。隴西六月如清秋。蕭關朝那近北地。酒泉張掖連涼州。諸葛戰爭餘故壘。隗囂宮殿成荒邱。繡衣按部求名馬。都護行營耀錦裘。數聲羌笛落梅怨。一曲秦箏邊月愁。許侯分符萬里去。曉發青

門擁驕御。虞翻成名在此時。王尊叱馭看

前路京華故人折楊柳。欲行不行日漸暮

我歌為作隴山詞。日極輪臺鳥飛處。高岑風格

步趨者罕此故在燕歌行胡笳歌之間

送萬季野南還

霜花醪酒送君還。邸舍相依十載閒。慣對卷編常病眼。與譚忠孝即開顏。折衷三禮宗王鄭。泚筆千秋續馬班。薄笨獨驅驚眾

暮凍雲寒雪滿江關。

王 揆 字藻儒江南太倉人康熙庚戌進士官至大學士著有西田集

望公

山色周遭信馬蹄。信宗高峙絕琴躋。龍從未許兒孫並。削劣渾疑星漢齊。風定天門懸日月。雨收石角挂虹霓。他年定擬窮遊屐。秦觀峰頭倚醉題。

王士禛 字子測山東新城人康熙庚戌進士著有古詩集。計南草云

子側為西樵之弟既亭之兄才堪頡頏而西樵阮亭早發最望先布不必視為也

和李退翁侍郎讀水經注蕪憶洞庭之作

相思何處折芳馨。望斷黃陵舊日亭。自注

注湘水又比秋水依稀聞落葉。楚天彷彿

見楊靈洲邊子。成三春綠樓外君山一帶

青。太息雲中君在否。不堪重問道元經。

渡揚子江

長江不盡來荆蜀。天塹平分控五州。地近  
 沉舟悲戰伐。人從擊楫想風流。波開雲日  
 諸峰出。浪湧魚龍夾岸浮。况值丹楓搖落  
 盡三山。縹緲欲忘憂。  
有石雲焚掃五嶽之  
 概如此方許作渡江  
 詩

孟亮揆 字繹來江南長洲人康熙庚戌進士官翰林侍講學士

于忠肅墓

曾從青史弔孤忠。今見荒丘岳墓東。  
 九原應化碧。陰燐千載自沉紅。有君已定  
 還。變策不殺難邀復辟功。意欲豈殊三字  
 獄。英雄遺恨總相同。  
徐石實忠肅罪謂其  
 意欲召外藩也意欲

二字與莫須有三字正復  
 相類一經拈出舊事頓新

李振裕 字維鏡江西吉水人康熙庚戌  
 進士官至戶部尚書有白石山

房詩

祠閣里雅有序

皇上文德武烈震揚域外海隅晏安民有  
 禮樂絃誦之習蒸々向風迺循覽徭俗  
 還過闕里以太牢祀孔子禮儀致敬  
 賚予有加臣躬逢大典權杖踴躍不揣  
 固陋竊效唐臣柳宗元雅體詠歌盛事  
 為祠闕里雅一篇謹拜手稽首以獻  
 大山巖々遐迺具瞻登封受命上帝是

於皇時清繼天立極累洽重熙與民  
 休息苞葉既除于戈永戢偃武觀文風行  
 四國章歲維甲子歷起上元翠華南指  
 旌軒八屯秩祀東嶽禮主柴燔頽臨日觀  
 旁矚天門章泰山之陽曲阜之宅萬乘  
 回轡里門是式奕々本支恭迎清蹕升  
 堂陟降祀典攸秩章軒縣轡矣樂具奏美  
 尊壘既陳饗禮侑矣俎孔碩矣天子獻

古章於皇時清繼天立極累洽重熙與民  
 休息苞葉既除于戈永戢偃武觀文風行  
 四國章歲維甲子歷起上元翠華南指  
 旌軒八屯秩祀東嶽禮主柴燔頽臨日觀  
 旁矚天門章泰山之陽曲阜之宅萬乘  
 回轡里門是式奕々本支恭迎清蹕升  
 堂陟降祀典攸秩章軒縣轡矣樂具奏美  
 尊壘既陳饗禮侑矣俎孔碩矣天子獻

之。豆。孔。庶。矣。天子薦之章五祝史有辭。我

皇黼藻。曰萬世師。揭此顯號。華蓋九旒。

爰飾于廟。姬公孟子。亦越奠告。皇曰

噫嘻相子。肆祀濟之。臣工說之。胄子布席。

橫經披陳。與旨園橋。肅聽。眸容有喜。皇

陟彼泉林。厥流孔滂。維茲禮文。厥枝孔虬。

萬年不凋。聖人所樹。皇心愉之。爰記爰

賦八帝恩優渥。零露灑之。流根潤葉。受

祉無疆。匪曰齊之。孔氏之光。斯文丕顯。邦

家之慶。軌泗水湯湯。孔林蒼々。文章靈者

輦路之旁。標蘇有禁。舊不踰頃。今也廓

之數。蕪常等。軒奎畫有煒。垂象神宮。取彼

璇琰。是琢是鑿。豐碑百尺。崇律在東。歷年

億萬。與岱比崇。維山有岱維天有漢

皇德是峻。帝文是煥。大道彰矣。治化翔

矣。日月星辰。慶重光矣。與奏凱告成功



不司彼取古與此取和平也古與

近韓和平近柳作者最得體裁

許孫基字四山江南合肥人康熙庚戌翰林院侍講峽西學使

○激昂悲壯

多燕秦之声

出門

出門必春初。入室必冬暮。豈無兒女情終

裁。不暇顧揮手從此辭。夕陽渺烟樹作客

全在兩必

字形出 五丈原次大復韵

荒原淡斜日。古戍黯層陰。五丈空留跡。三

分不死心。地隨營壘沒。星與陣雲沉。薄暮

秋風急。如聞笳鼓吟。

潼關

百二初經得大觀。巖關高峙碧雲端。兩邊

峽。東。黃。河。去。萬。仞。根。連。大。華。蟠。天。險。西。來

凌。絕。巘。地。形。北。折。鞏。長。安。如。今。聖。德。能

懷。遠。猶。作。當。年。要。處。看。與丙戎中分蟠太

華孤城百折走黃

河幾於魯有一結  
得後險守國之意

武功春日謁后穆祠

當時教稼無先聖萬世黎民定阻飢詞客  
古今瞻廟貌村農伏臘走軒墀。卻對麥秀  
垂々徧禹甸氓歌處處。隨文德配天真不  
忝。獨從含哺有餘思。起手如高峯陸石循  
行數墨家那能辨此

萬里

萬里驅車亦壯哉西征咫尺是輪台無邊

晴雪天山出不斷風雲北極來閑到玉門  
中土盡槎浮博望使星迴猶看定遠封侯  
道卻憶嫖姚佐漢才。

莊浪趨張掖

酒泉張掖近天山大漠風雲指顧間莫道  
行邊入萬里最西還有玉門關。

集

燮字星期江南吳江人康熙庚戌  
進士知寶應縣著有日畦集

先生論詩一日生一日新一日深凡  
一切庸熟陳腐浮淺語須扣而空之

今觀其集中諸作意必鈞元語必獨  
 造寧不諸俗不肯墮俗憂於諸名  
 家中能拔戟自成一味者先生初  
 寓吳時吳中稱詩者多宗范陸究所  
 猶者范陸之皮毛幾於千手雷同矣  
 先生著原詩內外篇四卷力破其非  
 吳人士始多訾訾之先生沒後人轉  
 多從其言者王新城司寇致書位其  
 獨立起衰  
 應非漫許

度大庾嶺

千里連峰匝紆迴出萬尋險公南服界雄  
 見越王心鴻鴈謀何苦巖巖氣時深高松

陰夾路風過助長吟三四語沈雄著

送王阮亭官詹祭海還朝

使節天邊轉韓碑讀罷還挹泉醅。主眷  
 探袖出民難賦沒依々樹裝輕箇々山南  
 枝留不住高詠過重關。

瘞壁恭成事祠壇異碧鷄壘方留雅樂玉  
 陛返桓圭激水從天上扶桑向使西。聖  
 朝嚴俎豆到日拜封題

尋山

二月花爭發。尋山一逕冥。峰廻常抱影。雲斷半銜青。柳露沿溪屋。人歸隔嶺亭。桑榆留晚照。尚及渡前汀。

京口作

朔風動地大。江鳴猶說南。徐北府。兵鐵鎖。幾人壽異代。布衣終古悔。成名在山。無限漁樵計。木葉頻驚。閉塞情。試上高樓。憑四

望不禁淚下。媿平生

此言律入手難得就

下便如破竹

秋後同人集用宜尚友堂憶五年

前秋嶽先生有此集限微字韵興

懷愴然仍眼前韵

風雨徒吾歎。舊扉也知全。杜采應稀。藪槃衰鬢。鶯難再。花月欢場。漸欲微。晚寒侵階。秋得氣。倦螢入戶。冷無依。綠隄衰柳。吾憐

汝約略年華兩並非追舊集感暮年借伶  
堂哀柳以寫蒼涼之

况為之  
野太

括蒼道中

蕭然倦策度重嶺。絕壁摩夫傍斗看。遊子  
傷心悲九折。美人遙矚隔千盤。啼鶉花信  
他鄉到。瘦馬衫痕落。晴寒不斷亂雲投。址  
去生情回首望長干。二四江陰地懷良友  
也瘦馬衫痕一語寫

畫以容遠

同人夜坐感賦

意外相逢是故人。衰顏燭影話重新。花殘  
幾易芳。會宅與到重沽。杜甫巾。無霧避愁  
鴈。擗地有山。送老不嫌貧。吾家二妙欣相  
慰。嬾向滄江再問津。提無一語平直極眼  
前事一筌占化頗使

生新

石門郁曾發遊秦歸賦贈兼示胡圓

表徐道相

十載驚沙積曉裝。龍鍾短策，倦遊梁。飢寒  
慣逐長榆月。老去重沁。絕塞霜登嶽。何人  
攜謝朓。入門無女問中郎。曾發丹江波淮  
浪摧肝日。話比秦川路更長。

去。空山學道裝。難忘情處在。河梁勞生

歲月官橋柳。終古人。乘斷坂霜。自注故人

水咽隴頭。留甚。詞花怨巷口。映諸郎。自注

昆弟子姪秦宮漢殿。秋原上。飽贈書生一

枕長。以斷坂霜擬之身世友朋之感。戎于

字字

### 與趙書年話舊追憶其尊人山子

隔世苟陳。隔日情。朱顏皓首。兩心驚。文章

涕淚。仍聲價。冰雪開河。竟死生。自注癸卯

子計甫草比行兩重觀風標。堪和鶴。自憐

衰老。續鳴鶯。庭梧竹影。難忘久。怕見城西

暮色橫。自注山

子故居

同徐方虎張步青趙湛卿登永嘉江

心寺浮圖

驚官突兀傍銀河。界破青真一雁過。名士  
登高雙淚下。故人回首萬峰多。新傳層海  
銷兵甲。若箇魚磯卧辟羅。尺五去天知不  
遠。憑君才調問如何。

楊花

小。欲。腰。瘦。不。勝。情。斷。粉。飄。雲。帶。舞。相。與。使

漫天我不住。樓中尚有未歸人。

題平湖沈客子燕京春詠後

殘杯忽憶帝城春。曾逐輕蹄十九人。淮上  
黃蘆江上雪。憑君認是賞花辰。

梅花開到九分

亞枝低拂碧窗紗。鏤月烘霞日日加。祝汝  
一分留作伴。可憐處士已無家。  
從九分著  
意不忍幸  
讀

客發蒼溪

客心如水水如愁。容易歸帆趁疾流。忽訝船窗送兵語。故山月已挂船頭。初到家時

比忽驚柳樹出漸

覺熟人多更妙

盧道悅

字喜臣山東德州人康熙庚戌進士官兩知襄武雒氏縣著有

公餘漫草。班史稱循吏以文章歸。吏治作者以吏治為文章詩中所云。皆從憂勤盡惠中山也。勿徒於對偶截律間求之。

阻風

陸行無風波。偶值山行抵中心。希所求水程較直截。鼓棹正冲流。既過風威換。日行十餘里。母乃所望。欲速適為累。悔不從迂拙。迎面挂席來。疾行飛鳥滅。帆檣非不同。遲速何殊絕。長年前致詞。前程難預決。萬事貴順天。人力徒勞竭。明日風勢回。遲速又更迭。乃知天下事。安分自怡悅。寄語山中人。待時養明哲。



寄時齋弟

百孔千瘡體。歷來尚帶痕。清貧林下穩。迂拙宦途難。有淚洒荒野。無才事上官。感君相念切。聊用報平安。五六語包括任延一傳

迎春

律轉鴻鈞佳氣同。肩摩鼓擊樂蝸融。不須迎向東郊去。春在千門萬戶中。

顧貞觀字華峰江南無錫人康熙壬子中書著有積書巖集。

梁汾臨沒時自選詩一卷授門人杜雲川太史雲川付梓人以傳不滿四十篇皆味在酸鹹外者前輩嗜古淡不自足如此  
雨止纒塘書舍抵暮無一人過橋上者

山淺雨亦深。煙光暮如積。窅然清池上。整與塵土隔。倚杖玩浮漚。憑闌數歸翼。無生復奚滅。有動隨所息。藜藿時一來。懷哉巖岫客。願言依此境。共對香燈夕。一塵不起語可証禪

春夜大雪念儲汜雲宿舟中詩成黯

然兼寄應雲皆人兄弟

百里非遠涉。忽嗟行路難。蓬窗半夜凍積  
雪。摧檣竿。念子擁衾坐。知余撫枕歎。吳中  
文翰侶。公讌方極歡。暖响迷玉漏。晶輝瑩  
珠盤。誰持一尊酒。慰此孤舟寒。前路逢二  
謝。客愁應少寬。平生倦水宿。歷久經風湍。  
開先漱玉亭。

壁立雙芙蓉。正臨無底谷。誰揮修月斧。盡  
削銀河曲。倒洒萬斛珠。幽於十尋玉。有龍  
蟠其上。下喧極。眠更熟。縱橫題石字。但見莓  
苔綠。洗鉢注軍持。餘生此焉足。

灌園

不自量筋力。求爲人灌園。意惟營一食。跡  
若避羣喧。誰遺五色芝。服之詫騰蹇。奈非  
塵埃種。移時安得蕃。還將理菜畦。膏澤資

泉源。龜勉試操作。編籬復插接。早韭和露  
苗。晚松凌霜翻。但從采掇便。未覺烹飪煩。  
心形誠苦瘁。既飽亦軒軒。向讀神農書。近  
聞老圃言。

夜聞梵音

一燈山牖出。隔竹露光滋。坐聽香台人。法  
華中夜轉。清泉激寒玉。細入吳音軟。嚼蠟  
況橫陳。凡襟何時遣。去左司未遠

秋曉登滄浪亭呈宋中丞

初日上東南。林亭空宿翳。妙香珠露重。的  
皜侵衣袂。唱杏曲池羨。吟餘小山桂。猶聞  
遺翰墨。但惜沉碑碣。望古情已深。懷賢感  
亦係。由來滄蕩人。別作流溥計。翕葩賤原  
嘗。虛徐狎莊惠。誰陪飛蓋遊。屬和高文麗。  
詠滄浪亭者俱做蕪梅體此以淡寂  
行之春花明媚忽遇山茗獨殊風格

國朝詩別裁集卷九終

欽定國朝詩別裁集卷十

禮部尚書臣沈德潛撰評

韓

葵

字元少江蘇長洲人康熙癸丑

書補謚文懿封有有懷堂集

贈江南巡撫湯潛菴先生

於皇啟運惟良應期雲出山川靈雨乃施  
于潛于躍致身惟時從容講幄道以言資  
俾贊大政謀謨孔嘉帝瞻四方念我民

國朝詩別裁集卷九

依疇若緩懷維汝子材往奠南服往撫朕

師。此言公以道事君明良一德命其無緩南服也

時惟霜月戒途惟吉別殿罷行大官賜食

何以衣之温貂重襲何以乘之小環金厄

與命以申莫匪民極頓首青蒲臣職是力

臣學孔孟羞管商術翬翬之恩惠此南國

此言 陛辭 罷行也學孔孟管商表公生平學術

短車一乘具少于車敬謝供張敢煩新筵

我馬既羸我僕亦瘠莫或寧處將此簡書

吳儂遲公自今有家叶情慎獨管攬轡踟

躑此言公隨從輕裝敬奉簡書而與民望之同於望歲也

螟蝨食禾拔根及心飛鴉食甚懷我好音

嗟爾可牧下民是侵素絲惟染官闕誰箴

其則不遠公即砥鉞無愧生平敬影與衾

此望屬吏化積習歸廉潔以公為準則也

稽古揚州田惟下下矧我勾吳文身而裸

有明戰爭天降之禍厥賦未貞王道為煩  
印給四方日炙其輟脂膏既竭下民卒瘁  
剜肉流血敲骨及踝千秋我公哀此饑寡  
盍繪流民盍謁靈璫公誠動天庶幾報可

此言三吳浮賦民不能堪願公之為民請命也後屢疏陳請格于部議乃止

眷彼嘉穀實生其秀爰有止水當門置韭  
宿猶弗除愿民誰旆其衆可容其魁宜取  
如木斯拔如雛斯乳仁者必勇公維其有

此言除莠民以安農也止水置韭用厯參訪任光肅

烹魚苦碎治民苦煩調急強絕汲多水渾  
五方殊風莫返黃軒去其太甚不在高論  
鈎距不設鼠雀無喧若其性天起化之源

此言除弊去其太甚無煩苛察也若其性天即使自得之意

奕世歌思厥有文襄端毅寬靜忠介清剛  
我公嶽嶽為儒者宗辭立用行攸兼其長  
神動淵默罔不在中若嘗膏之豈惟我邦

佇公報政倚公辯章吳儂敢私以福萬方

此言撫吳大臣推周文襄忱王端毅恕海忠介瑞而冀公之進步前哲也此種

立言得言南贈人之體詩亦穆如清風

送礪巖洗馬移家石公山次悔庵韻

尔脫朝衫賦遂初青螺一點卜幽居菜根

咬得嘗何肉蟲篆窺來羊禹書吞卻五湖

無蕪芥聯將三益有樵漁此時風月從吟

弄幸惠新詩並起子石公近伊山包

挽田間先生詩

跳才党禍出鄉閭辛苦書生戎馬間已分

妻孥成死別寧知喪誌復生還辱王駟駘

窮年恨故土鷲花鎮日開一畝荒涼乾淨

地千秋恐染淚痕斑先生配死於亂兵故有第三語

長揖諸公折角巾頭銜不屈舊詞臣三千

上客尊傾坐百尺高樓好寘身自下羊雲

華屋淚自注謂立齋師每安杜甫草堂貧靈床寂

實琴絃斷絮酒南州祇一人

自注謂  
健菴師

被命脩一統志先師司寇公完書

也感而有作

澹蕩江湖玉局隨苦心作者謂誰知戶庭  
直欲包山海義例頻煩托寓巵窮盡異書  
多逸事得來妙解折群疑最憐樂善通懷  
處嘗許門人贊一辭

青螺一點故依然草舍荒烟客可憐萬里

張騫曾蓋空九州紛紛欲談天人從生死  
原輕散筆到山川不易箋惟有無情芳草  
綠猶鋪書帶舊堂前

踏紅重到碧山堂歎息音容未渺茫佳句  
壁間枯落墨小松階下慘成行少孫敢附  
龍門未後鄭常依馬帳索猶是舊遊風月  
地孤燈夜雨照淒涼

弟之  
重

俱從門人續脩用意  
纏綿悱惻令人增師



暮春唐解元墓下作

中丞當代振詞源，弔古憑將風雅論。自昔  
唐衢惟解哭，祇今宋玉與招魂。人歸黃土  
三生石，時過清明一酒樽。更闢桃花舊蘭  
若鐘聲敲月伴黃昏。

時宋商邱中丞新葺唐解元墓故從中丞說入其墓在橫塘商邱所葺在桃花塢乃解元讀書處也

王鴻緒字季友江南華亭人康熙癸丑

書著有橫雲山人詩稿不及見全稿所錄皆未貴顯時作

長鏡歸來印額痕，欲做啼君親憐久容扶  
杖喜相持。款款談征路，依依問舊知。自朝  
還至暮，盡室慰離思。

吾母倚閭久，風塵望早歸。驚看遊子面，爲  
澆去時衣。巖筍經冬出，慈烏向晚飛。白華  
堪志養，不必羨甘肥。

只轉換問耳

夜

霜風瑟瑟動窓紗。政國音書旅鴈賒。來夜  
闌破難入夢。他鄉見月易思家。干戈且喜  
人無恙。蒲柳應憐。有華獨愧。聖朝容  
棄物。未辭簪紱問桑麻。善學少陵不在形似

閨思

抱得朱絲琴。臨風彈別鶴。愁如江潮生。不  
共江潮落。崔國輔小詩原本子夜讀曲作音近之

採蓮歌

采采江水濱。荷花照臉新。莫愁西日晚。明  
月解留人。

徐倬

字方虎。浙江德清人。康熙癸丑進士官翰林院侍讀。後家居。加

禮部侍郎。著有贊村集。

詠水碓

睦州曉放船。江流益清溜。水石相抨擊。湍  
雪蛟龍走。居民置風輪。隨波轉樞紐。沙石

廣場圃比櫛列杵臼。但看椎聲落不見誰  
 舉手。精鑿脫糠粃安閒到子婦。楫搨抱甕  
 勞拙哉。灌陰叟機巧獸桔槔。斯言誠然否。  
 聖人前。民用神。智皆自有。愚民偶得之。役  
 使河伯久。但苦梁鴻貧。何處覓升斗。換一  
 不脫  
 不膠

驟車謠

車鐸忙替戾岡。驟轉轂尾秃。速路崎嶇聲

獨漉嗟。雨車中人何不還家抱黃犢

寶劍金玉裝少年。駿馬馱車中。坐老舉面

皺髻。又備驟兮。驟兮負汝何

簸之揚之。非黎麩顛之倒之。裂裳衣驟。因

芻豆辛。苦為勞人。艸草將安之人。與爾驟

計。撫非

鷄初嗶。烏再啼。北斗闌干月沉西。滿地冰

霜驟足動。踏破千家萬家夢。奇驚句以無意得之

捶馬勿傷面。捶騾勿傷背。烏啄瘡。後  
日難重載。八口安食。騾奔波。騾若不行。誰  
能那。為語役夫。愛兩騾。愛及物力  
仁人之言

採蓮曲

溪女盈盈朝浣紗。單衫玉腕蕩舟斜。含情  
含怨折荷華。折荷華。遺所思。望不來。吹參  
差。音節聲口  
宛然齊梁

月

木落川原。涼霜清鳥。鶻寒可憐。官舍月強  
作故園看。老鷺指雲。未飽。鴈走夜闌。朔風  
偏太甚。吹徹角聲。殘官舍見月忽念家園  
此云強作故園看前  
人無道及者以下推開不  
復粘滯是浣花翁家數

聞蛩

鄉國三千里。寒蛩總一聲。遙知閨閣內。共  
此別離情。響入秋砧。細愁先朔雁。鳴銀燈  
何太甚。起坐到天明。一氣直下盛唐  
人有此高格

舟中雜感

高秋一葉下梧桐有客揚帆夕照中多病  
 百年兼恨別依人千里自途窮滄江白露  
 魚龍夜冷月黃沙草木風老去休思空冀  
 北日歸終擬僧墻東計欲依人無有不途  
 窮者此閱歷有得之  
 言

雀豕黃花滿眼蒿雁雲連影下空濼換人  
 自賤隋明月無褪空思秦復陶碣石寒姑

催玉露廣陵秋樹接銀清應知雨雪前途  
 盛歲暮誰憐左伯桃

項王祠

莫問鴻溝事若何獨留祠宇枕黃河故鄉  
 香火情何限三戶英雄氣已多雲落繡衣  
 生土蘚歌斜駁馬絡藤蘿到今吞岍濤聲  
 壯嗚咽如聞垓下歌

禾中贈曾庭聞

度信飄零似轉蓬江關詞賦老逾工客程  
半在青山裏壯志全消白社中尚有匡床  
分上下曾無破屋住西東鴛鴦湖畔輕攜  
手孤負桃花爛漫紅破屋句念其弟青藜  
無家不能如二陸之

同居也

湖上贈夏鹵均

青絲一騎出長安明聖湖頭把釣竿花柳  
坐備名士老湖山約與酒人看好憑酬唱

東西屋莫妬聲名大小冠昨夜新詩欺白  
雪雪兒歌罷不勝寒

李基和

字協萬江南丹徒人康熙  
癸丑進士著有梅崖詩意

登代郡城晚眺

西風落日聲颼颼風吹沙起邊人愁黃雲  
片片下谿谷雁門木葉零清秋飛狐句注  
老鷗窟健兒習射來山頭嗟哉紫塞古來  
險頗牧為將人安憂忽然酸風射眸子迴

看戰骨多荒邱。歸鴉幾點過城去。夜昏鼓角鳴譙樓。

過鶴汀侍讀齋觀董文敏畫

曉雨初晴烟未收。江雲一帶引輕舟。模糊認得南徐樹。不到家山十六秋。  
因觀畫恍觸家山笑

柳絮

孤負當年詠雪人。沾泥慘徑抱成塵。卻憐

一。樣風吹去。偏是飛花隨錦茵。

戊寅中秋初度月下作

光寒於水連天接。色白如霜滿地鋪。誰畫

一雁。門今夜裏。山川別樣貯冰壺。  
自注金魏道元中秋

詩桂子知經幾寒暑。冰壺別是一山川。

徐元夢 字善長。遼陽人。康熙癸丑進士官至大學士。謚文定。

送隨義文出塞

君到居庸北。應憐一雁回。沙平疑地盡。山

豁訝天開落日重關閉。秋風萬馬來。勉旃  
從此役莫上望鄉臺。閱其勞苦勉以公忠  
四章不脫此意風骨

不肯落開  
寶以後

兩出居庸塞。憐君當苦辛。風沙隨去馬。雨  
雪滯行人。地澗君民少。天寒部落貧。須知  
柔遠意。率土盡王臣。

登三屯鎮城樓寓目

雉堞連山起。登臨亦壯哉。一。聲。南。雁。去。萬

里北風來。苦沒前朝禍。雲寒上將臺。興亡  
無限意。尚想濟時才。

送友人出使塞外

許國纔年少。胡為絕塞行。一身憑漢節。四  
馬出長城。月色侵裘冷。霜花拂劍明。燕然  
何處所。石上自題名。

成

集

德字容若遼陽人康熙癸丑進士  
丙辰 殿試官侍衛著有通志



擬盧子諒時興

代謝感時序迭微歎日月  
慙彼鷓鴣鳴忍此眾芳歇  
林園無鮮菜原野飛隕葉  
王孫傷歲暮志士勵窮節  
勁蓬轟驚飈貞松翠霜雲  
昂昂澤中雉矯矯韞上鷹  
物性不可渝人寧不如物  
努力崇明義豈為威武屈

砥礪志節傳  
出子諒心事

再送施尊師歸穹隆

紫府追隨結願深日歸行色乍駸駸  
秋風落葉吹飛馬夜月橫江照鼓琴  
塵劫升沉寧有意孤雲去住亦無心  
貞元朝士誰相待桃觀重來試一尋

山海關

雄關阻塞戴靈龜控制盧龍勝百牢  
山界萬重橫翠黛海當三面湧銀濤  
哀笳帶月傳聲切早雁迎秋度影高  
舊是六師開險

處待陪 巡幸扈星旄

柳枝詞

馬卿苦憶紅泥閣我亦傷心碧樹村病骨

泥綿詞客死更誰攀拆與招魂自注綠楊天半紅泥

閣朱槿風前翠袖人亡友馬孝廉雲翎柳枝詞

池上閒房碧樹圍簾紋如縠上斜暉坐憎

飛絮吹難定一出經窓便不歸因柳絮而念征人人

所同也此妙在未嘗說破

邵 瑄字柯亭直隸大興人康熙乙卯舉人官昌邑知縣

春日雜興之一

春風不媚俗一例到闕門新樹移鄰圃青

衫染酒痕世情浮宦拙吾道布衣尊盡日

雙書卷蒸床坐覺溫此任廣文時作

九月十五夜中庭閒步作

鐘傳人定月華明漸覺新寒夜氣清露重

似宜添羽帔樹疎何處著秋聲一鑑舊雨

鄉園夢殘夜西風獨客情身世不從詹尹卜  
卜流行坎止足吾生

芙蓉

曾從楚客賦蘭茝喜見風翻赤玉幢欲采  
名花遺良友還憑遠夢落秋江盤承雨露  
珠無算莖並鴛鴦帶自雙此日仙城誰作  
主疑睇遙望凭紅窓押三江韵中不著一  
客氣字便是到家六

語本杜詩添入鴛鴦二字倍覺鮮如

題畫

青山一角夕陽銜隔斷喧囂境不似有客

空亭閒眺遠桃花春水送輕帆佳景自得佳句

彭定求字訪濂江南長洲人康熙丙辰  
賜進士第一人官翰林院侍

講著有南  
酌詩稿

望日謁文山先生祠時于中丞方議

重修用杜詩蜀相原韻

信國孤忠汗簡繁荒祠憑弔劇蕭森旌旗

曾壯兵疆色絲竹空埋魯壁音

自注祠為長洲舊學

斜谷出師原地歿睢陽伏節本同心樓崩

棟折勞與復瞻拜遺容一板襟

此以忠武睢陽怡如

量分

五人墓

偶泛蓬舟繞廓來摩挲墓碣久徘徊重看

俎豆登鄉社尚想干楨捍黨魁白刃爭撈

千載烈青雲並附九京哀蕭蕭松柏凌秋

爽遺真生祠安在哉

自注墓為毛撫走魏逆生祠處

湯陰謁岳忠武故里廟像

忠武鄉閭駐轍過柏陰森列更摩溪辭家

壯志憑孤劍報國先聲振兩河北塞攀髯

魂正遠西陵埋骨淚偏多天傾宋社殊難

問可奈乾坤頽洞何

胡會恩

字孟編浙江德清人康熙丙辰賜進士第二人官刑部侍郎

名有清芬堂集口侍郎不以詩鳴然含官咀商天然明麗其品自貴

書京江先生南苑詩後

御溝楊柳參差碧。夾道官槐吹綠雪。六  
飛初幸玉泉迴。南苑春蕪駐。仙蹕帳殿  
涼颼五月寒。涼鷹臺畔簇雕鞍。至尊  
夜開經帳中。使星馳召講官。曲江學士蓬  
山叟。著作承明侍清讌。每依石室展牙籤。  
頻直彤闈聽銀箭。賞今天子擅聖神。一  
遊下豫行時巡。上林豈薄不足歸。右。吳。思。

籍時相親屬車載書三十。乘特簡儒士隨  
八駿先生奉。詔有殊恩。郊原寓目多名  
勝。拳毛蹀躞沙路香。平明珥筆紫荷囊。致  
君一卷虞書在。卿雲復旦廢陶唐。罪微銅  
鶴鑪烟細。丹陛從容傳。聖意天苞地籙  
世莫窺。河洛千秋表宣秘。俄傳鑿轡下  
離宮。羽林七萃依蒼龍。競識相如參侍從  
千群。緹練一章。縫歸來振筆詩千首。雲霞

灑翰蛟螭走。鸞尾淋漓進尚方。岐陽石鼓  
同不朽。休風盛事載瑤編。不數橫汾宴鎬  
年。願將茂州虞箴頌。譜入薰風和舜絃。

文端公侍直南苑時事也表主臣一  
德揚文蒸之清華未語頌箴兼至悠揚  
婉轉可誦可絃

珠江雜詠

倚鵬鳴天穗石仙蹤古花田粉澤妍扶胥

望不極身在海雲邊

我愛珠江好天南接大洋山家蠓蟻峙海  
市鸞帆揚酒雜棋椰醅茶勻茉莉香最宜  
新雨後炎暑變清涼

我愛珠江好駢羅雜卉多叢篁迷澁勒異  
果熟波羅火米生黎貢蕉紈細馬馱木蘭  
新艇子溪女唱蠻歌

我愛珠江好清娛事事幽名香散東莞佳

硯採端洲。水驛梅花晚。山村荔子秋。新來

鮮蠻語。倚樹聽鈎輒。雜入廣南風物鮮妍

題張濂若侍御疏稿

太阿持節甫。釀禍實嘉宗。誰使貂璫魄。猶

存馬鬣封。青山無穢骨。勁柏有霜容。我讀

西臺疏。清威徹九重。侍御名瑗初門人

賢墓時論共快之。魏奄死後墓猶幾  
增陵寢碑稱完吾公乾兒義孫列名其  
未皆宰臣鄉貳也侍御奏後得旨免  
而平之以木石克疎定河工用詳春明

錄中

金陵

建業曾傳半壁安。秦淮嗚咽暮濤寒。六朝

寂寞青山在。十廟陰沈畫壁殘。禾黍故墟

屯鐵馬。烟花南部失雕闌。隔江玉樹歌聲

斷。更有哀絃向月彈。

秋曉

銅街列炬簇鳴騶。倦客中宵攬傲裘。曉柝

尚嚴人語靜寒星欲沒露花流官鴉影散  
金門曙朔雁聲傳碣石秋擾擾緇塵驚歲  
晚江湖迢遞引羈愁

蘇州送春詞

晝牒蒼苔陌上蹤一春心事怨吳儂曉風

欲倩遊絲緜愁殺寒山寺裏鐘未到曉鐘猶是春故

愁曉寒山寺鐘也點入寒山乃坊吳地

翁叔元字寶林江南常熟人康熙丙辰賜進士第三入官刑部尚書

病中雜述

邇來有微疾遂得身閑居隱几發清思日  
復親詩書夜闌不成寐落月明前除漸覺  
萬慮捐往往見太虛多恐疾良已此念又  
復初多病道心在親睦其境若能言之結意自警  
我初亦何為無端在陶冶我身既非真况  
乃名氏假因復被虛聲從人置高下微生  
屬醯鷄世事付野馬浮雲與電光於我何



有者。比意即道心生之驗

下第出都途中偶成

孤踪寂寞與時違。匹馬荒郊趁落暉。有影  
自隨還對語無家。可老尚思歸。花當寒谷  
先秋落。雁叫空江帶雪飛。棄婦可憐身已  
去。向人猶整嫁時衣。

聞官軍收八閩

三年轉戰苦倉生。禁旅傳餐滿市城。寶民

已來關右表。令公猶典朔方兵。卻看星象

書含譽。自注司于奏應有花名賜太平。自注

宋仁宗時蜀他貢願得臨邊諸將帥。許教

隴畝事春耕。

陳錫嘏。字介眉。浙江鄞縣人。康熙丙辰

進士官翰林院。偏修著有兼山

賦得長安一片月

誰領高秋意。當頭片月看。碧空雲自淡。金

掌露初溥析起街聲靜。砧鳴夜色寒。清輝  
應萬里不獨照長安。

送湯西崖歸西冷

馬蹄經歲踏京華。忽逐征鴻去路賒。何物  
關心歸思急。孤山開遍早梅花。

王項齡字顯士江南華亭人康熙丙辰  
名試博學鴻詞官

至大學士謚文  
恭有世恩堂詩

翻忠賢衣冠墓。

嘉宗之初閣寺... 誰非謂若兒朝... 貞回天茹花委兒相鈎連楊左諸賢一網  
盡鎮撫獄底屍駢肩門生天子差彷彿張  
父趙母何情然紛紛祠額徧寰宇賜莖特  
勅營生前將作起家同祈連采恩門闕踰  
董賢一朝冰山忽傾倒凶骨不得歸三泉  
摩挲碧雲舊碑碣忠賢姓氏猶高揭侯覽

當時既伏誅衣冠誰使留空穴安得雷火  
一夜化此碑更倩龍湫之水洗擅錫山靈  
面目還清潔此詩成于張侍御奏請削平  
之前故望水以燒除洪穴之  
喜湖南諸路大捷和學士李容齋前

輩韻

降旗千片廩君船妖婦春澄夢澤天  
風烟通馬援八公草木走祁堅  
帝心自切平兵後廟算真成下瀨先  
從此蠻方歌

大定竹筇筠醬頁年年

箭邊屹屹建高樓兩岸灰飛赤壁舟首惡  
暫稽軍鼓爨遺俘難免檻車幽早明孟獲  
趨滇水急斷盧循入廣州萬里長江消垢  
堦直從楚尾至吳頭

送李天生歸養

廿年高隱爲承歡詔趣蒲輪卻聘難  
聖主愛才非強志大儒報國豈須官  
郡校

詞賦清時重黃綺風流異代看遙想綵衣  
歸拜舞朝恩家慶話團欒以養母急于  
岳官盡子職

即以報君恩也立言有體

張榕端字樸園河南絳州人康熙  
丙辰進士官至禮部侍郎

登岱

寰中群嶽震為尊到此真窮造化根曉日  
銅鉉升海國長河衣帶挂天門下方雷雨  
晴空見上界星辰靜夜捫九點青烟俱在

掌不須更擬上皇春

王吉武字憲尹江南太倉人康熙丙辰  
進士官紹興太守著有水菴集

重脩六賢祠成展祭作自注黃忠端  
公諱尊素况

文貞公諱元略施忠介公諱邦驥  
周初忠敏公諱彪劉忠正公諱宗  
皆越人明季殉難

乾坤有傾折憑誰奠蒼黃成仁取義間得  
爭日月光末世務苟活橫流決隄防不有  
數君子何以扶頽綱明季下否運婦寺紛

蝸蟻羣賢共憤爭。祝墮正氣揚。暨暨有黃公。請劍擊紹瑄。糜爛北寺獄。冤血流園牆。逮乎思陵末。大盜劇披猖。京城竟瓦釜。官閤屯豺狼。倪周並詞臣。就義何慨慷。賦詩整冠帶。引脰遂絕吭。共志有中丞。仰藥裂肺腸。雲車駕風馬。同日從君王。維時劉與祁。解組各歸鄉。號咷義旗舉。自矢百鍊鋼。未幾湛流晏。南都復淪亡。兩公竟致命。先

後歸帝旁。一甘絕勺飲。僵餓追首陽。一起赴清波。懷石同沉湘。區區於越地。山川靈氣翔。凜凜得數公。勁草卓秋霜。平生所樹立。理學兼文章。末路更完節。浩然還長蒼。聖朝重褒忠。祀典載輝煌。守土風教責。表揚分所當。立廟傍學宮。六賢共蒸嘗。昨秋大風雨。摧我西廡廊。周垣半傾圯。不能庇堂皇。率先亟修葺。勿使沙礫荒。棖楠新

丹腹木門飾倉琅登堂薦蘋藻肅然對冠  
裳。即事有根觸露襟涕浪浪疇無君親恩  
俯仰默感傷。去忠烈詩詞貴峻整不尚奇佻  
序述六賢詳略分台各見筆  
法韵語中  
合傳體

釣臺謁嚴先生祠

釣臺冥元干山裏釣竿獨拂桐江水藏名  
迹迹山水間爲有故人作天子眼底不知  
赤伏符意中安有侯司徒京華筆札非所

慣自笑故態猶狂奴盞與朝臨只高卧伸  
脚無端驚帝座中興將相列宿明不若江  
湖客星大千秋片石何嶙峋遺廟江邊棖  
楠新左方右謝同縫掖自注方雄  
飛謝畢羽塵不  
染簪纓塵行人繫棹孤亭下瞻拜高風心  
獨寫紛紛名利獨何爲堪歎征忸往來者  
不著議  
論自高

許由瓢

飄挂樹一葉。輕風吹。濩落夜。有聲不若棄。  
之。夢亦清。天下非大瓢。非細身。外之物。總  
為累。不可以律有天下而不與之  
心然巢許心事盡此二語中

劉參軍鍾

伯倫沉酣萬古轉。曉解醒五斗隨身。一鋪  
塊然土木委。化從之杳杳冥冥。天方醉時。

未語形出典午之  
昏四字抵什伯言

郭汾陽曹

令公來敵壘。開免曹直進。胸無猜。花門錯  
愕拜馬首。處前譙。議執其手。指天為誓。爵  
杯酒。願擊吐蕃。贖厥咎。此時。補策。觀軍容。  
加建大議。幸。河。中。劉。洽。事。  
幸河中劉洽事  
抗言爭之乃止

李臨淮韓中刀

大將不能屈于賊。韓中置刀雪一尺。自拚  
熱血戰場傾。不令眾死身獨生。大旗連颯

鼓聲隄前鋒小却命取首突騎歸堅壯士  
毗河陽破賊獸散走幸無監軍掣其肘一  
其肘九節度敗於相州  
矣唐朝大弊于此指出

破龍澗

法雷夜響滄江底鐵井怒裂毒龍尾空山  
石破真珠噴一夜化作蓮花水潺潺萬壑  
聽琴聲野花落澗春香生清寒自是瀉石  
隨霜液豈染蛟涎腥火鼠看電影從天下至

今寒泉尚餘菰千年松老褪蒼鱗猶似蛟  
蛭神物化山僧晚汲風蒲衣洗鉢賒得真  
龍歸騰虬捧花佛前供雷雨還從鉢內飛

奇傑矣卻  
非長吉派

高曾雲

字謨苑江南華亭人康熙丙辰  
進士官至太常卿著有政蟲齋

詩

送周紫海遊華嶽

巨靈擘連山洪河乃東落峻嶒豁雙葉高



天擢蓮萼千峰列兒孫供伏類卑弱少昊  
揚金精元氣鬱磅礴古來避世士長嘯此  
巖壑濟時心孔殷神化特假托我觀陳圖  
南壯志小寥廓蒼生本無與何為墮驢喙  
龍蛻邈千祀繼者仍寂寞青齊得周子有  
道耽藜藿不謂猶龍姿養晦同屈護長風  
吹孤雲飄然向京洛攬秋嘯儔侶携手城  
南郭言將尋玉井側帽裹世屨到日想瞻

攀翠枝飛練瀑前折通一門烟霞任揮擢

仰首問寥天僕僕玉女博凌空笑退之爾

何有餘懷濟時心事托之神仙李邕侯其

圖南隱耳明眼人龍見及之

瞿唐

連山接巴東地險勢復壯誰聞鴻濛開插  
天列青嶂巖巖立江門奚兀獻奇狀摩挲  
兩鐵柱越歷幾興喪驚濤奔紫崖魚龍不

敢傍衆山自迴合。前行欲何向。初疑水際窮。忽轉天心曠。恍如出甌底。沸釜掀厚浪。赤甲與白鹽。開闔似屏障。丹黃蒼翠間。日色相摩盪。割據慨當年。雄長不相讓。流覽臥龍圖。英姿迫堪尚。探竒自茲始。彌覺心神王。

韶陽道中

湏源出大庾。厥勢頗奔旋。沉遭峽石束。蔚

怒不可狀。南流匯武水。有助氣益壯。上疑建瓴瀉。下乏砥柱障。崖石戲噴岬。灘隴騰濤浪。既歎湑流險。復經暑雨漲。湍急工倍勞。風弱帆空颺。更當巖巒削。卻苦牽挽妨。翠壁千篙擢。歲久不受創。自注。峴壁間篙不可勝數。前林日欲頽。暮色歛。悽愴圻堠倚荒茅。孤槎庶可傍。  
極嶽杜陵雖未八神已能超俗

故園

故園渺何處。延眺獨傷神。親老久爲客。囊空長傷人。淚兼花作雨。愁似草逢春。何日還桑梓。商歌原憲貧。

葉舒崇

字元禮江南吳江人康熙丙辰進士官中書舍人

### 荷蘭國進千里馬歌

皇帝御宇之六載。負衷致政歸彤墀。大開明堂治六服。萬國會同車馬馳。海波不揚通遠道。紛紛重譯來京畿。九州之外荷蘭

國人。物竊停言。堯舜一朝。稽顙表忱。惴驂駟作貢。稱珍奇。雄姿逸態。世罕有。奔騰千里。猶嫌遲。驕嘶自許。邀寵眷。不憚跋涉。經險巖。牽來獨立玉階下。遂令凡馬皆驚疑。姬王詎必重八駿。漢帝安用遣貳師。那知至尊方。偃武端拱。南面垂裳。衣詔謂圍人。歸廐下。子以銜勒。聊鞿羈。鸞旗在前。屬車後。朕乘此馬。將安之。聖朝豈復畜奇

良言詩集卷一  
獸留茲用慰遐方思

金陵有感

狂來不減步兵愁。行盡清溪古渡頭。極目  
群山還繞郭。感時雙鬢怯登樓。桓伊邀笛  
人誰在。謝傅圍碁墅尚留。俯仰只言天塹  
險。白鷗紅蓼滿汀洲。

